

Ժողովուրդ

4 մարտի չորեքշաբթի 2026
տպագրության ԺԵ տարի

22
(3231)

✉ ք. Երևան, Արուսյան 22ա/3 (0010)

☎ + 374 10 546423

@ info.armlur@gmail.com, info.zhoghovurd@gmail.com

100 դրամ

ՔՊ-Ե ՋՈՎԱՆԱՎՈՐՈՒՄ Է ԻՐ ՂԵԿԱՎԱՐԻՆ



«Ուժեղ Հայաստան» կուսակցության խորհրդի անդամ Նարեկ Կարապետյանի ու ՔՊ խմբակցության ղեկավար Հայկ Կոնջոյանի դեպքերը ցույց են տալիս զինվորական ծառայության վերաբերյալ տեղեկատվության տրամադրման անհամաչափ եւ հակասական մոտեցում պետական մարմինների կողմից:

Քննիչների տվյալներով՝ Նարեկ Կարապետյանի՝ ազգային բարերար Սամվել Կարապետյանի եղբորորդու նկատմամբ շարունակվում է զինվորական ծառայության պիտանիության հետ կապված նախաքննություն: ՀՀ քննչական կոմիտեի զինվորական քննչական գլխավոր վարչությունից 1lurer.am-ին հայտնել են, որ վարույթը շարունակվում է:

Նույնաբովանդակ հարցով «Ժողովուրդ» օրաթերթը դիմել է են ՀՀ գլխավոր դատախազ Աննա Վարդապետյանին, են ՀՀ պաշտպանության նախարար Սուրեն Պապիկյանին: Սակայն ՀՀ ՊՆ-ն, «Ժողովուրդ» օրաթերթի հարցմանն ի պատասխան, հրաժարվել է տվյալներ տրամադրել: «Հայտնում ենք, որ Հայկ Արսենի կոնջոյանը ծնված 30.05.1987թ. օրընթաց սահմանված հիմքով ազատվել է պարտադիր զինվորական ծառայությունից: Միաժամանակ հայտնում ենք, որ Կոնջոյանի պարտադիր զինծառայությունից ազատման հիմքի վերաբերյալ տեղեկատվության տրամադրումը մերժվում է՝ հիմք ընդունելով անձնական տվյալների մասին ՀՀ օրենքի 26 հոդվածի եւ Տեղեկատվության ազատության մասին ՀՀ օրենքի 8-րդ հոդվածի 1-ին մասի 2-րդ կետի պահանջները»:

Իսկ դատախազությունը պատասխանել է. «Ձեր հարցմանն ի պատասխան՝ տեղեկացնում են, որ ՀՀ դատախազությունում քրեական վարույթի առկայության մասին տվյալներ չկան»:

Շարունակությունը՝ ArmLur.am կայքում

Մինչ իշխանական պատգամավորները ԱԺ ամբիոնից հայտարարում էին, թե նախկին նախարարը «թալանել է», դատարանը դեռ պետք է պարզի՝ 26 անշարժ գույքից որը ունի է, ըստ այդմ՝ արձանագրի «թալանի» մասշտաբները: «Ժողովուրդ» օրաթերթի բացառիկ տեղեկություններով՝ ԿԳ նախկին նախարար Լեւոն Մկրտչյանն ու Նրա եղբայրը՝ գործարար Վահագն Մկրտչյանը, տարիներ շարունակ լարված հարաբերությունների մեջ են եւ անգամ չեն շփվում միմյանց հետ: Այդ ֆոնին խիստ ուշագրավ է, որ Գլխավոր դատախազության ներկայացրած հայցում խոսքը Լեւոն Մկրտչյանից եւ Նրան փոխկապակցված անձանցից ինչ-որ գույքեր բռնագանձելու մասին է՝ ներառելով լայնածավալ գույք:



Շարունակությունը՝ ArmLur.am կայքում

ՀՀ հակակոռուպցիոն կոմիտեն Ազգային ժողովին ներկայացրել է իր 2025 թվականի գործունեության հաղորդումը: Փաստաթղթում առանձնահատուկ շեշտադրվում է միջազգային համագործակցությունը, մասնագիտական պատրաստվածության բարձրացումը եւ քննությունների արդյունավետության ամրապնդումը: «Ժողովուրդ» օրաթերթը հաշվետվության թվերը եւ փաստական արդյունքները համադրելով՝ արձանագրեց մի շարք խնդրահարույց կետեր: Տարեկան հաղորդման համաձայն՝ Կոմիտեն համագործակցել է միջազգային մի շարք կառույցների հետ: Թվերը, առաջին հայացքից, տպավորիչ են, միջազգային աջակցությունը՝ համակարգված, վերապատրաստումները՝ բազմաբովանդակ: Բայց ինչպիսի՞ն են արդյունքները:



Մանրամասները՝ ArmLur.am կայքում

ArmLur.am-ի բացառիկ տեղեկությունների համաձայն՝ «Վահան Հովհաննիսյան+30» աղմկահարույց գործով ցմահ դատապարտյալ Տիգրան Ավետիսյանը դատարանի որոշմամբ պայմանական վաղաժամկետ ազատ է արձակվել: Այս գործով բոլոր 30 անձինք վաղուց ազատության մեջ են: Նա միակն է 31 մեղադրյալներից, որոնք այս գործով 1997թ.-ին դատապարտվել են մահապատժի (2003 թ.-ից ՀՀ նախագահի հրամանագրով՝ ցմահ ազատազրկում)՝ մեղադրվելով Քրեական օրենսգրքի միանգամից 4 հոդվածներով՝ 65-րդ հոդվածի 2-րդ մասով, 65 պիմ հոդվածով, 232-րդ հոդվածի 1-ին մասով եւ 209 պիմ հոդվածով (երկու ոստիկանների սպանություն, ի վնաս պետական անվտանգության գործողությունների կատարում, հանցավոր ահաբեկչական խմբում հավաքագրում, ապօրինի զենք-զինամթերքի ձեռքբերում ու կրում): Տիգրանը ծառայել է սովետական բանակում, վերադարձել 1989թ.-ին, իսկ մեկ տարի անց սպարապետ Վազգեն Սարգսյանի կոչով անդամագրվել մահապարտների ջոկատին: Չորս տարի մասնակցել է մարտական գործողություններին: Եղել է «Արաբ», «Կռնիձոր», «Արծիվ-28» կամավորական ջոկատներում:



ԶՐՈՒՅՑ

ՄԱՐԴԻԿ ԱՊՐՈՒՄ ԵՆ ԽԱՂԱՂ ՊԱՅՄԱՆՆԵՐՈՒՄ

ArmLur.am-ը գրուցել է «Քաղաքացիական դաշմանազին» խմբակցության անդամ, եվրոպական ինտեգրման հարցերի մեծական հանձնաժողովի անդամ, եվրոպագետ Մոնա Ղազարյանի հետ համադրական ընտրությունների և իրենց կատարած աշխատանքի վերաբերյալ:

-Տիկին Ղազարյան, համապետական ընտրություններից ի՞նչ սպասելիքներ ունեք:

-Վստահաբար, մենք գնում ենք հաղթանակի և հատկապես նոր մեկնարկած մեր ներկուսակցական քարոզարշավի շրջանակներում երբ այցելում ենք համայնքներ, շատ ակնհայտ է դառնում մեր քաղաքացիների վերաբերմունքը մեր քաղաքական ուժի նկատմամբ: Հատկապես շեշտադրումները խաղաղության օրակարգն են, հաստատված խաղաղություն, սոցիալական հարցեր՝ ապահովագրություն, թոշակների բարձրացում, հանդիպում ենք տարբեր մասնագիտությունների տեր մարդկանց, ովքեր ատեստավորմամբ նույնպես բարձրացրել են իրենց աշխատավարձը, ընդհանուր առմամբ շատ դրական տպավորությունով ենք վերադարձել:

-Մենք սոցիալական հարցումներ ենք անցկացրել Երեւանում և նկատում ենք, որ իշխանության նկատմամբ բավականին մեծ հիասթափություն կա: Սա ինչո՞ւ է պայմանավորում:

-Ես պետք է ասեմ, որ իմ անձնական շփումներով միանշանակ նման բացասական վերաբերմունք չեմ հանդիպել, եւ մարդիկ հատկապես Երեւանում չեն կարող չնկատել տրանսպարտի ռեֆորմները, մասնակապարտեզի աշխատողները չեն կարող չնկատել իրենց աշխատավարձի բարձրացումները, եւ առհասարակ, ֆոնը չի կարող բացասական լինել, քանի որ մարդիկ ապրում են անսխալաբար խա-



ղաղ վիճակում, եւ այդ խաղաղ միջավայրը տրամադրում է դրական մեր քաղաքացիներին:

-Մինչեւ համապետական ընտրությունները կարող ենք սպասել, որ Ձեր նշած խաղաղությունը իրապես կհաստատվի, նախաստորագրումից քայլ կարվի վերջական ստորագրելուն:

-Խաղաղությունը հաստատվել է այն պահին, երբ կողմերը նախաստորագրել են, եւ սկսել է տնտեսական հոսքերը տարածաշրջանում: Ավելի մեծ երաշխիք, քան ապաշրջափակումն է, տնտեսական համագործակցումը, չկա: Ինչ վերաբերում է բուն պայմանագրի ստորագրմանը,

մենք ասել ենք, եւ պաշտոնական Երեւանի դիրքորոշումն այն է, որ պայմանագիրը կարող է հենց այս պահին էլ ստորագրվի, մենք սպասում ենք հարեան պետության՝ ստորագրման պատրաստակամության պահին:

-Այսինքն՝ կարող ենք ասել, որ Ադրբեջանը դեռ չի ցանկանում ստորագրել խաղաղության պայմանագիրը:

-Խաղաղության պայմանագիրը նախաստորագրվել է Վաշինգտոնում, եւ ըստ էության, ես կարծում եմ, որ կարող ենք լավատեսորեն տրամադրվել բուն ստորագրման փաստին:

Զրուցեց ՆԱՆԿԿ ԿՂԱՍՅԱՆԸ

195 ԱՆՐԵՏ ԿՈՐԱԾ

Լեռնային Ղարաբաղի դեմ Ադրբեջանի սանձազերծած պատերազմի արդյունքում անհայտ կորած է համարվում 195 անձ: Այս մասին երեկ՝ փետրվարի 3-ին, ԱԺ-ում ասաց ԶՅ արդարադատության նախարար Սրբուհի Գալյանը՝ անդրադառնալով «Հայաստան» խմբակցության պատգամավոր Գառնիկ Դանիելյանի հարցին:

«Ըստ պաշտոնական տվյալների՝ ունենք անհայտ կորած 195 անձ, որոնցից 175-ը՝ զինծառայող, մյուսները՝ խաղաղ բնակիչ», - ասաց Գալյանը:

Ինչ վերաբերում է նույնականացված դիտրին, նախարարն ասաց, որ վերջին տվյալներով՝ 75-80 դիտրի դեպքում նույնականացման արդյունքներն ընտանիքների կողմից չեն ընդունվել: Ըստ նրա՝ կրկնակի փորձաքննություններ իրականացվել են հատուկ փորձագիտական գիտելիքներով օժտված անձանց կողմից եւ հատուկ միջոցներով: Փորձագետները վստահեցնում են, որ նույնականացումը ճիշտ է իրականացվել:

ՄԻՋՈՒԿԱՅԻՆ ՆԵՐՈՒԺ

Էմանուել Մակրոնը հայտարարեց առաջադեմ միջուկային զսպման հայեցակարգի մասին եւ հայտնեց, որ այն գրավել է ութ երկրների հետաքրքրությունը: Այս մասին տեղեկանում ենք ewronews-ից:

Ֆրանսիայի նախագահ Էմանուել Մակրոնը կապելազցի երկրի միջուկային մարտազինվորների պաշարները եւ, ինչպես նա ասաց, չի տատանվի, եթե երկրի «կենսական շահերը» սպառնալիքի տակ լինեն: Նա իր թարմացված միջուկային դոկտրինի երկար սպասված շնորհանդեսը ներկայացրեց Բրետանի Իլ Լոնգ միջուկային սուզանավային բազայից:

Մակրոնը հայտարարեց, որ Փարիզն այսուհետ չի բացահայտի իր միջուկային զինանոցի չափը: Ստոկհոլմի միջազգային խաղաղության հետազոտությունների ինստիտուտի (SIPRI) տվյալներով՝ Ֆրանսիան ներկայումս ունի 290 մարտազինվոր:

Ֆրանսիան ԵՄ միակ երկիրն է, որն ունի միջուկային զինանոց: ԵՄ-ից դուրս՝ Մեծ Բրիտանիան նույնպես ունի միջուկային զինանոց: Անցյալ գարնանը Մակրոնը ենթադրեց, որ ԱՄՆ-ի հետ փոփոխվող հարաբերությունները եւ տարածաշրջանային անկայունությունը հաշվի առնելով՝ նա կարող է ԵՄ երկրները ներառել իր միջուկային հովանու ներքո: Երկուշաբթի օրը իր 45 րոպեանոց ելույթում նա ընդգծեց, որ սա «առաջխաղացման զսպման» նոր հայեցակարգ է, որը լուծում է միայն պաշտպանական կարիքները:

Նա պարզաբանեց, որ ութ եվրոպական երկրներ՝ Միացյալ Թագավորությունը, Գերմանիան, Լեհաստանը, Նիդեռլանդները, Բելգիան, Հունաստանը, Շվեդիան եւ Դանիան, հետաքրքրություն են հայտնել Փարիզի ծրագրի նկատմամբ: Ֆրանսիայի առաջնորդի կարծիքով՝ այս երկրները կկարողանան տեղակայել Ֆրանսիայի ռազմաօդային ուժերի «ռազմավարական ռազմաօդային ուժեր», ինչը թույլ կտա նրանց «տարածվել ամբողջ եվրոպական մայրցամաքում»:

ՔԱՂԱՔԱԿԱՆ ՕՐԱԿԱՐԳ

ՓԱՇԵՆՅԱՆԻ ՈՒՂԵՐՉԸ

ՀՀ վարչապետ Նիկոլ Փաշինյանը շնորհավորական ուղերձ է հղել Բուլղարիայի Հանրապետության վարչապետ Սոֆիյա Գյուրուլին ազգային տոնի՝ Ազատագրման օրվա առթիվ: Շնորհավորական ուղերձում, մասնավորապես, ասված է. «Հայաստանի Հանրապետության կառավարության եւ անձամբ իմ անունից ջերմորեն շնորհավորում եմ Բուլղարիայի Հանրապետության ազգային տոնի՝ Ազատագրման օրվա առթիվ:

Հայաստանը կարելու է փոխադարձ վստահության եւ ընդհանուր արժեքների վրա հիմնված մեր երկկողմ հարաբերությունների շարունակական զարգացումը:

Ուրախությամբ եմ արձանագրում, որ մեր բարեկամ երկրների միջեւ առկա փոխաշահավետ գործընկերության բնականոն խորացումն ու ընդլայնումն ամուր հիմքեր են ստեղծել երկկողմ հարաբերությունները որակապես նոր մակարդակի բարձրացնելու համար՝ ի նպաստ մեր պետությունների բարօրության:

Բուլղարիան Հայաստանի հուսալի գործընկերն է Եվրոպական միությունում, Ժողովրդավարական բարեփոխումների, փոխկապակցվածության եւ տնտեսական զարգացման ակտիվ աջակիցը, եւ մենք հետաքրքրված ենք առավել խորացնելու մեր փոխգործակցությունն այս հարթակում:

Մաղթում եմ Ձեզ ամենայն բարիք եւ հաջողություն, իսկ Բուլղարիայի բարե-

կամ ժողովրդին՝ խաղաղություն եւ առաջընթաց»:

ՎԱՏԱՔԵՑՆՈՒՄ Է

Հայաստանում Իրանի դեսպան խալիլ Շիրոզլամին ներկայացրել է TRIPP նախագծի վերաբերյալ Իրանի դիրքորոշումը: Երեւանում մարտի 2-ին կայացած մամուլի ասուլիսի ժամանակ, անդրադառնալով TRIPP-ի վերաբերյալ Թեհրանի դիրքորոշման վերաբերյալ հարցին, դեսպանն ընդգծել է՝ հայկական կողմի հետ քննարկումների ժամանակ իրենք միշտ ասել են, որ այդ ճանապարհը, որը, հնարավոր է, հաղորդակցային տեսանկյունից հնարավորություններ ստեղծի Հայաստանի համար, չպետք է որպես գործիք ծառայի օտարների կողմից Իրանի դեմ գործողությունների համար:

«Նաեւ մենք վերահաստատել ենք մեր աջակցությունը «Խաղաղության խաչմերուկ» նախագծին, եթե այն կարող է ապահովել Հայաստանի շահերը: Հայաստանի իշխանությունները մեզ վստահեցրել են, որ ոչ մի դեպքում այս ճանապարհը ռազմական եւ անվտանգային իմաստ չի ստանա, եւ Հայաստանի ինքնիշխանությունն այդ ճանապարհի վրա կպահպանվի: Մեր եւ Հայաստանի մեջ վստահություն գոյություն ունի», - նշել է դեսպանը:

«Թրամփի ուղի՝ հանուն միջազգային խաղաղության եւ բարգավաճման» նախագծի հիմնարար համատեղ հռչակագիրը Հայաստանի, Ադրբեջանի եւ ԱՄՆ-

ի կողմից ստորագրվել է 2025 թվականի օգոստոսի 8-ին Սպիտակ տանը՝ նպատակ ունենալով նպաստել Հարավային Կովկասում հարատեւ խաղաղությանը: Ծրագրի վերջնական նպատակն է ամրապնդել Հայաստանի եւ Ադրբեջանի բարգավաճումն ու անվտանգությունը եւ խթանել տարածաշրջանային առեւտուրն ու փոխկապակցվածությունը, ինչպես նաեւ ստեղծել Կենտրոնական Ասիան եւ Կասպից ծովը Եվրոպային կապող նոր տարանցիկ հնարավորություններ:

ՀՀ-ԵՄ ՕՐԱԿԱՐԳ

Փոխվարչապետ Միեր Գրիգորյանն ընդունել է Հայաստանի Հանրապետությունում Ֆինլանդիայի արտակարգ եւ լիազոր դեսպան Կիրստի Նարինենին:

Կառավարությունից հայտնում են, որ հանդիպման ընթացքում քննարկվել են Հայաստան-Ֆինլանդիա երկկողմ հարաբերությունների օրակարգային հարցերը եւ համագործակցության զարգացման հեռանկարները:

Զրուցակիցները երկուստեք կարելու են Հայաստանում ժողովրդավարության ամրապնդման ուղղված բարեփոխումները եւ անդրադարձել ՀՀ-ԵՄ հարաբերությունների ընդլայնման օրակարգին:

ՀՀ փոխվարչապետը եւ Ֆինլանդիայի դեսպանը մտքեր են փոխանակել նաեւ տարածաշրջանային զարգացումների շուրջ:

ԻՐԱՎԻՃԱԿ

ՓՈԽՆԱԽԱՐԱՐԻ ՈՒՆԵՑՎԱԾՔԸ

20 ՄԼՆ ԵԿԱՄՈՒՏ ԵՎ ՎԱՐԿԵՐ

ՀՀ աշխատանքի և սոցիալական հարցերի նախարարի տեղակալ Տաթևիկ Ստեփանյանը դառնում է 2021 թվականի ապրիլի 29-ին: Նրա վերջին հայտարարագիրը ցույց է տալիս համեմատաբար համեմատելի գույքային դասեր, սակայն թվային դինամիկան առաջացնում է մի շարք հարցեր:



Անշարժ գույք երեանում «Ժողովուրդ» օրաթերթը, ուսումնասիրելով փոխնախարարի ներկայացրած պաշտոնական հայտարարագիրը, արձանագրել է, որ փոխնախարարը հայտարարագրել է մեկ անշարժ գույք՝ անհատական բնակելի տուն Երեան քաղաքի Արաբկիր վարչական շրջանում: Սակայն խոսքը ամբողջական սեփականության մասին չէ: Ստեփանյանը տան ընդամենը 1/32 բաժնեմասի սեփականատեր է, որը ձեռք է բերել ժառանգության միջոցով 2006 թվականի նոյեմբերի 20-ին: Տրանսպարտային միջոցներ հայտարարագրում նշված չեն:

- Կենսաթոշակ՝ 508,423.7 դրամ
- Եկամտային հարկի վերադարձ՝ 4,047,644 դրամ (ՊԵԿ-ից)
- Աշխատավարձ եւ դրան հավասարեցված վճարումներ՝ 15,274,006 դրամ (աշխատանքի եւ սոցիալական հարցերի նախարարությունից)
- Ընդհանուր եկամուտը՝ 19,830,073.7 դրամ:

- Սակայն մոտ 41 մլն դրամ հիփոթեքային պարտավորություն բնակարանի համար:
- Այս համադրությունը հուշում է, որ փոխնախարարի հիմնական բնակարանը հավանաբար ձեռք է բերվել վարկային միջոցներով եւ դեռեւս ամբողջությամբ մարված չէ:

Յայտարարագրի համաձայն՝ փոխնախարարի բանկային հաշիվներում առկա են հետևյալ մնացորդները:

- 1,041,649.36 դրամ
- 2,320.2 դրամ
- 4,830.38 դրամ

Ընդհանուր հաշվարկով՝ մոտ 1 մլն 48 հազար 800 դրամ:

Բացի այդ, նա հայտարարագրել է 250.000 դրամ կանխիկ միջոց:

Թվային անհամադրություն
Առավել ուշագրավ է հաշիվների շարժը 2023 հաշվետու տարում: Տարվա սկզբին հայտարարագրված է 0 դրամ բանկային մնացորդ, մինչդեռ տարեվերջին գումարը հասել է 2,064,714.76 դրամի: Այս տարբերությունը՝ շուրջ 2 մլն դրամ, առաջին հայացքից կարող է բնական թվա՝ հաշվի առնելով պաշտոնական եկամուտները: Սակայն հայտարարագրում առանձին նշված ընթացիկ մնացորդների հանրագումարը (մոտ 1,048,800 դրամ) չի համընկնում տարվա վերջի 2,064,714.76 դրամ ցուցանիշի հետ: **Եկամուտներ՝ գրեթե 20 մլն դրամ մեկ տարում**
Հաշվետու տարվա ընթացքում Ստեփանյանի եկամուտները կազմել են՝

Պարտավորություններ՝ 40 մլն դրամից ավելի
Հայտարարագրի համաձայն՝ փոխնախարարի վարկերի եւ փոխառությունների մայր գումարի մնացորդը 2023 թվականի դեկտեմբերի 31-ի դրությամբ կազմում է 40,787,896.1 դրամ:
Հիփոթեքի արտոնական բնակարան է, սակայն դրա գտնվելու վայրը հայտարարագրում նշված չէ:
Ստացվում է հետաքրքիր պատկեր.
• Անշարժ գույք՝ միայն 1/32 բաժնեմաս ժառանգական տան մեջ,

Հանրային գործունեություն
Տեղեկացնենք, որ Տաթևիկ Ստեփանյանը նաեւ անդամակցում է «Սորք» սոցիալական ծառայությունների տեխնոլոգիական եւ իրազեկման կենտրոն» հիմնադրամի հոգաբարձուների խորհրդին՝ որպես անդամ:
«Ժողովուրդ» օրաթերթը եզրակացնում է, որ թվերը, ընդհանուր առմամբ, ցույց են տալիս բարձր պաշտոնային բնորոշ եկամտային մակարդակ եւ զգալի վարկային բեռ: Սակայն բանկային մնացորդների ցուցանիշների միջոցով տարբերությունը եւ տարեվերջի հայտարարագրված գումարի անհամապատասխանությունը առանձին հաշվարկված մնացորդների հետ թողնում են բաց հարցեր:
ՍՈՍԱ ԳՐԻԳՈՐՅԱՆ

ՕՐՎԱ ԽՃԱՆԿԱՐ

ՌԱԶՄԱՆԱՎ ԿՈՒՂԱՐԿԻ

Կիպրոսի պաշտոնյաները հայտնել են, որ Ֆրանսիան ռազմաճակատ կուղարկի Կիպրոս՝ անօդաչու թռչող սարքերի դեմ պաշտպանությունը հզորացնելու համար, այն բանից հետո, երբ «Ռաշեդ» անօդաչու թռչող սարքը հարվածել էր Կիպրոսում բրիտանական ռազմաբազային: Այս մասին հաղորդում է The Associated Press գործակալությունը:
Պաշտոնյաները հաստատել են, որ Ֆրանսիան նաեւ լրացուցիչ ցամաքային, հակադրոնային եւ հակահրթիռային համակարգեր կուղարկի Կիպրոս:
Գերմանիան նույնպես դրական է արձագանքել ռազմաճակատ կուղարկելու Կիպրոսի խնդրանքին՝ ըստ երեք պաշտոնյաների, որոնց ինքնությունը չի բացահայտվում: Նրանք ասել են, որ սարքավորումները հնարավորինս շուտ կհասնեն Կիպրոս:
Անօդաչու թռչող սարքը հարվածել էր Բրիտանիայի թագավորական ռազմաօդային ուժերի Ակրոտիրի ռազմաբազային մարտի 2-ի կեպիտանի կարճ ժամանակ անց: Պատճառվել էր աննշան կոնտակտի վնաս: Մարտի 2-ի ցերեկը բրիտանական ռազմական ինքնաթիռները խափանել են

են երկու ԱԹՍ, երբ դրանք օդ են բարձրացել ավիաբազայից, հայտնել են պաշտոնյաները:

Հունաստանը Կիպրոս է ուղարկել չորս F-16 կործանիչ, եւս երկու ժամանակակից Ֆրեգատ ճանապարհին են:

ԹԵԺ ԶԱԿԱՏ՝ ՄԵԾ ԿՈՐՈՒՄՏՆԵՐ

Իրանի Իսլամական հեղափոխության պահապանների կորպուսը (ԻՀՊԿ) երեք-շաբթի հայտարարել է, որ Իրանի «True Promise 4» («Իրանյան խոստում 4») պատասխան գործողության առաջին երկու օրերին ավելի քան 650 ամերիկացի զինծառայող է զոհվել կամ վիրավորվել:
ԻՀՊԿ խոսնակ, գեներալ Ալի Մոհամմադ Նաեֆին հայտնել է, որ իրանական ուժերը հրթիռային եւ անօդաչու թռչող սարքերի հարվածներ են հասցրել տարածաշրջանում տեղակայված ամերիկյան ռազմաբազաներին եւ ռազմականներին, այդ թվում՝ Բահրեյնում գտնվող ԱՄՆ ռազմածովային ուժերի օբյեկտներին:
Նրա խոսքով՝ հարվածների հետեւանքով վնասներ են կրել Պարսից ծոցի տարածաշրջանում տեղակայված ամերիկյան ռազմական օբյեկտները: Նաեֆին

նշել է, որ «պատերազմի առաջին երկու օրերին 650 ամերիկացի զինծառայող է զոհվել կամ վիրավորվել»՝ հավելելով, որ ԱՄՆ իշխանությունները կարող են հերքել կամ թաքցնել այդ տվյալները, սակայն իրանական հետախուզական եւ մարտադաշտային տեղեկությունները հաստատում են նշված թիվը:
ԻՀՊԿ խոսնակի փոխանցմամբ՝ իրանական հրթիռներն ու անօդաչուները մի քանի անգամ հարվածել են Բահրեյնում տեղակայված ԱՄՆ ՌԾՈՒ Հինգերորդ նավատորմի շտաբին: Նրա պնդմամբ՝ հարվածներից մեկի հետեւանքով 160 ամերիկացի զինծառայող է զոհվել կամ վիրավորվել:
Բացի այդ, ըստ Նաեֆինի՝ իրանական ռազմածովային ուժերը չորս թեւավոր հրթիռ են արձակել ԱՄՆ «USS Abraham Lincoln» ավիակրի ուղղությամբ, որը գտնվել է Զաբահարի ափերից մոտ 250-300 կմ հեռավորության վրա: Նա հայտարարել է, որ հարվածներից հետո ավիակիրը «նահանջել է դեպի հարավարեւելյան Յուբալթ օվկիանոս»:
Իրանական կողմը «True Promise 4» գործողությունը ներկայացնում է որպես պատասխան քայլ Իրանի դեմ իրականացվող գործողությունների:

ԿԱՆԱԴԱՆՔԻ ԿԱՆԱԴԱՍՏԱՆՆԵՐ ՓՈՒԼ

Կանադայի վարչապետ Մարկ Բարնի եւ Հնդկաստանի վարչապետ Նարենդրա Մոդիի մարտի 2-ին հանդիպում են անցկացրել Դելիում, որի ընթացքում քննարկվել են Հնդկաստան-Կանադա ռազմավարական գործընկերությունը եւ առեւտրի եւ ներդրումների ոլորտում համագործակցությունը խորացնելու ուղիները: Այս մասին հաղորդում է BBC-ն:
Հանդիպումից հետո առաջնորդները հանդես են եկել համատեղ մամուլի ասուլիսով, որտեղ Մոդին հայտարարել է, որ բարձր է գնահատում Բարնիի այցը Հնդկաստան եւ Հնդկաստան-Կանադա գործընկերության մակարդակի բարձրացումը:
«Մենք նաեւ քննարկել ենք մինչեւ 2030 թվականն առեւտրի ծավալը մինչեւ 50 միլիարդ դոլարի հասցնելու եւ Համապարփակ տնտեսական գործընկերությունն արագ ավարտին հասցնելու հարցը», - հայտարարել է Մոդին: Նա ընդգծել է, որ Հնդկաստանը եւ Կանադան բնական գործընկերներ են տեխնոլոգիաների եւ նորարարության ոլորտում:
Անդրադառնալով Կանադայի ներդրմանը Արհեստական բանականության զարգացման ոլորտում՝ Մոդին շնորհակալություն է հայտնել Բարնիին միջոցառման հաջողությանը նպաստելու համար: Նա նշել է, որ երկու երկրները կհամակարգեն համագործակցությունը տիեզերքի, տեխնոլոգիաների եւ կարելորագույն հանքայութեթի ոլորտներում:
Բարնիին իր այցն անվանել է Հնդկաստան-Կանադա հարաբերություններում գործընկերության նոր դարաշրջան: Նա նշել է, որ երկու երկրները սկսում են ռազմավարական էներգետիկ գործընկերություն՝ նաեւ հիշատակելով համագործակցությունը կարելորագույն հանքայութեթի եւ մաքուր էներգիայի ոլորտներում:
«Մենք առաջ ենք շարժվում Կանադա-Հնդկաստան տնտեսական գործընկերության համաձայնագրի ուղղությամբ՝ նպատակ ունենալով այն կնքել մինչեւ այս տարվա վերջ», - հայտնել է Բարնի: Նրա խոսքով՝ կանադական Cameco ընկերությունը երկարաժամկետ պայմանագիր է կնքել Հնդկաստանին ուրան մատակարարելու համար:
Բարնիին նաեւ հայտարարել է մի շարք համաձայնագրերի մասին՝ ուղղված կրթական եւ մշակութային կապերը ամրապնդելուն, այդ թվում՝ բարձրագույն կրթության ոլորտում:
Կանադայի եւ Հնդկաստանի միջեւ հարաբերությունները սրվել էին մի քանի տարի առաջ՝ այն բանից հետո, երբ այն ժամանակվա վարչապետ Ջասթին Թրյուդոն Հնդկաստանի կառավարությանը մեղադրել էր Կանադայի քաղաքացու սպանության հետ առնչության համար: 2023թ. հունիսին Կանադայի Բրիտանական Կոլումբիայի նահանգում սպանված Հարոլդի Սինգի Նիջարը նաեւ հայտնի սիկի անջատողական էր: Հնդկաստանը բազմիցս հերքել է իր առնչությունը Նիջարի սպանությանը:
2025 թվականին վարչապետի պաշտոնը ստանձնելուց ի վեր Բարնիին սկսել է հարաբերությունների կարգավորումը Նյու Դելիի հետ՝ վերականգնելով դիվանագիտական ուղիները:

ՈՐՈՇՈՒՄ

ՀՈՎՀԱՆՆԵՍ ԹԱՄԱՐՅԱՆԻ ԲՐԵՆԿԱՆ ԳՈՐԾԸ՝ ԴԱՏԱՐԱՆՈՒՄ

Ոստիկանության ֆրեական հետախուզության գլխավոր վարչության ղեկավար Գրիգոր Գրիգորյանի հեռուստախոսքի արձագանքում...



Վրա Յ.Թ.-ի նկատմամբ հարուցվել է հանրային քրեական հետախուզում 2003 թվականի քրեական օրենսգրքի 38-309-րդ հոդվածի 3-րդ մասով...

Նույն գործի շրջանակում նախկինում հրապարակվել էին մի շարք բարձրաստիճան ոստիկանների անուններ...

ՔԱՆՈՒՄԱՆՈՒԿՅԱՆ

ԲԱՅԱՐԱՅՑՈՒՄ

ԱՊՕՐԻՆԻ

Համայնքային ոստիկանության Վարչարշապատի բաժնի ծառայողները փետրվարի 28-ին օպերատիվ տեղեկություններ էին ստացել...

30 ԿԳ

ԹՄՐԱՄԻՋՈՑ

Մարտի 2-ին ՆԳՆ ոստիկանության ՔՈԳԿ թմրամիջոցների անօրինական շրջանառության դեմ պայքարի վարչության...

3.1 ԿԳ ՈՍԿԻ

ՀՀ ՊԵԿ հետաքննության եւ օպերատիվ հետախուզության եւ էլեկտրոնային առևտրի օդային տրանսպորտով իրականացվող փոխադրումների վարչությունների համատեղ հսկողական աշխատանքների արդյունքում օրերս «Ջվարթոնգ» միջազգային օդանավակայանում բացահայտվել է խոշոր չափի շուրջ 3.1 կգ քաշով թաքցված ոսկու ներմուծման դեպք:

ՔՐԵԱԿԱՆ ԶՐՈՆԻԿՈՆ

4 ՏԱՐԻ ԴԱՏԱՐԱՆԻ «ԴՈՆԵՐԸ»

Կաթողիկոսի եղբոր որդին՝ Կորյուն Ներսիսյանը, պատրաստվում է ճառին, դատարանում ավատական փուլ է:

Նշենք, որ Շենգակի վարչական շրջանի դատախազի տեղակալ Կորյուն Ներսիսյանը տեւական ժամանակ կալանքի տակ մնաց, եւ վերջին ամիսների ընթացքում նրա խափանման միջոցը փոխվեց:

Ինչպես հայտնի է, 2022 թվականի հունիսի 11-ին Ազգային անվտանգության ծառայության կողմից ՀՀ դատախազության հետ համագործակցությամբ ձեռնարկված մեծածավալ օպերատիվ-հետախուզական միջոցառումների արդյունքում փաստական տվյալներ են ստացվել այն մասին, որ Երեւան քաղաքի Շենգակի վարչական շրջանի դատախազի տեղակալ Կ. Ն.-ն, հանդիսանալով պաշտոնատար անձ, Արմավիրի մարզի առաջին ատյանի ընդհանուր իրավասության դատարանի վարույթում քննվող քրեական գործով ամբաստանյալ Ն. Դ.-ի նկատմամբ մեղմ պատիժ նշանակելուն նպաստելու համար, պաշտոնական դիրքն օգտագործելով, Գ. Գ.-ի եւ Ա. Ա.-ի օժանդակությամբ եւ միջնորդությամբ Ն. Դ.-ից ստացել է առանձնապես խոշոր չափերով 2.500.000 ՀՀ դրամ կաշառք:

Կ. Ն.-ն կաթողիկոսի եղբոր որդին է, որը նախկին դատախազ է եւ 4 տարի է, ինչ դատարանում փորձում է հասնել արդարության:

Ք. Ս.

ՀԱՓՇՏԱԿԵԼ Է 20 ՄԼՆ ԴՐԱՄ

ՀՀ քննչական կոմիտեի հատուկ հանձնարարություններով գլխավոր վարչությունում նախաձեռնված քրեական վարույթի նախաքննության ընթացքում պարզվել է, որ Կ.Ա.-ն, հանդիսանալով ՀՀ-ում գործող ընկերության հաշվետարար, սակայն փաստացի հանդիսանալով այդ ընկերության տնօրենը, 2025 թվականի հունվարի 28-ից մինչեւ 2025 թվականի ապրիլի 14-ն ընկած ժամանակահատվածում համակարգչային համալսարանում, խմբի կազմում, օգտագործելով ՀՀ-ում գործող բանկերից մեկի էլեկտրոնային սպասարկման կետ հանդիսացող կայքը եւ արտասահմանյան բանկերի թողարկած պլաստիկ քարտերի տվյալները, արտասահմանյան բանկերի քարտայաններից բազմաթիվ գործարքներով փորձել է համալսարանում 764 մլն 358 հզր 558 ՀՀ դրամ գումար:

Հանրապետությունում փետրվարի 27-ից մարտի 2-ը բացահայտվել է 220 հանցագործություն, որոնցից 19-ը՝ նախկինում կատարված:

ՀԱՍԱՐԱԿՈՒԹՅՈՒՆ

ՄԱՐԶ

ՀՆԳԻԿՆԵՐԻ ՀԱՄԱՐ ԳՈՐԾ ԿԱ

Մարտի 1-ին ներկուսակցական քարոզարշավի շրջանակներում Նոյեմբերյան այցելած վարչապետ Նիկոլ Փաշինյանին քաղաքի կենտրոնում հանդիպած բնակիչներից մեկը մտահոգություն հայտնեց, որ աշխատատեղ չկա: Ն. Փաշինյանը հակադարձեց. «Ինչպե՞ս է, որ Հնդկաստանից գալիս են Նոյեմբերյանում աշխատում, իսկ Նոյեմբերյանցու համար աշխատատեղ չկա»: Փաշինյանն իր ասածի իրավացիությունն ապացուցելու համար դիմեց կողքին կանգնածներին. «Նոյեմբերյանում աշխատող Հնդկաստանի քաղաքացիներ կան»: ԲՊ կուսակցության Նոյեմբերյանի ակտիվիստներից Հայկանուշ Բեգլարյանը հաստատեց, որ Նոյեմբերյանում աշխատող Հնդկաստանի քաղաքացիներ էլ, պարսիկներ էլ կան: Փաշինյանը եռանդով շարունակեց. «Ես իջեանցի եմ, ես չեմ հիշում, որ Հնդկաստանից մարդ գա, աշխատի, էսօր Իջանում էլ, Նոյեմբերյանում էլ կան»: Նա սկսեց թվարկել կառավարության իրականացրած ծրագրերը, այդ թվում՝ սոցիալական ուղղվածության: Եւ այդտեղ Փաշինյանին օգնության հասավ, սկսեց ծրագրեր թվարկել աշխատանքի եւ սոցիալական հարցերի նախարար Արսեն Թորոսյանը՝ հավելելով, որ այդ բոլոր ծրագրերի հետ նաեւ հետվճար կա: Ն. Փաշինյանը ասաց, որ ամեն 3-րդ երեխայի դեպքում պետության կողմից վճարվում է 10 հազար դոլար:

Երբ Նոյեմբերյան համայնքի բնակիչը խոսեց պետական օգնությունների մասին, վարչապետը նրան առարկեց. «Մենք օգնություն չենք տալիս, մենք մարդկանց խրախուսում ենք, որ աշխատեն, ապրեն»: Նա խոսեց հարկեր տալու կարեւորության մասին, ապա անցավ ընտրությունների թեմային՝ ասելով. «Հիշո՞ւմ եք, որ ընտրություններին գալիս, տուկի թեղ էին բաժանում, բրինձ էին բաժանում, որ ձայներ ստանան, բա հիմա կարո՞ւս տուկի թեղով, ո՞ւմ կգարմացնես տուկի թեղով կամ բրնձով կամ 5 հազար դրամով»:

Տարիքով իշխանամետ մի կին Փաշինյանին ասաց, որ դրական շատ փոփոխություններ կան, ասաց, որ ամենամեծ փոփոխությունը խաղաղությունն է, որ Նիկոլ Փաշինյանը բերել է: Կինը Փաշինյանին ասաց, որ շատ լավ կլինեք, որ իրենց տարածաշրջանից Ազգային ժողովում պատգամավոր լինեք, որը տարածաշրջանի հիմնախնդիրներն ավելի լավ կներկայացնեն կառավարությանը, վարչապետն իր որոշումներում դրանք նկատի կունենար: Նիկոլ Փաշինյանը հո չէր կարող ասել, որ Տավուշի մարզից՝ Իջեանից, իր մանկության ընկեր Վահե Ղալումյանը ԱԺ տարածքային կառավարման, տեղական ինքնակառավարման, գյուղատնտեսության եւ շրջակա միջավայրի պահպանության հարցերի մշտական հանձնաժողովի նախագահն է, սակայն Տավուշի մարզի խնդիրներով չի զբաղվում: Փաշինյանը ծիծաղելով ասաց. «Դե դուք ձեր տարածաշրջանից վարչապետ ունե՞ք»:

ՈՍԿԱՆ ՍԱՐԳՅԱՆ

ՈԱԶՄԱԿԱՆ ԳՈՐԾՈՂՈՒԹՅՈՒՆ

ԻՐԱՆԸ ԹՇՆԱՄՈՒԹՅՈՒՆ ԶՈՒՆԻ

Իրանի արտգործնախարար Աբբաս Արաղչին հեռախոսազրույց է ունեցել Չինաստանի արտգործնախարար Վան Իի հետ, որի ընթացքում կողմերը բնութագրել են սարածաշրջանային զարգացումները ԱՄՆ-Իսրայել ռազմական գործողություններից հետո:

Չեռախոսազրույցի ընթացքում Վան Ին Չինաստանի կառավարության եւ ժողովրդի անունից ցավակցություն է հայտնել Իրանի Իսլամական հեղափոխության առաջնորդ Այաթոլլա Սեյեդ Ալի Խամենեյի մահվան կապակցությամբ, որը, ըստ իրանական կողմի, զոհվել է Իրանի դեմ իրականացված ԱՄՆ-ի եւ Իսրայելի ռազմական գործողությունների հետեւանքով:

Ի պատասխան՝ Արաղչին շնորհակալություն է հայտնել զորակցության համար եւ ներկայացրել Իրանում եւ տարածաշրջանում ստեղծված իրավիճակը ռազմական գործողություններից հետո:

Իրանի ԱԳ նախարարը նշել է, որ Միացյալ Նահանգներն ու Իսրայելը խախտել են միջազգային մարդասիրական իրավունքի բոլոր նորմերն ու սկզբունքները Իրանի դեմ իրականացված ռազմական հարձակման ընթացքում, որի հետեւանքով զոհվել են հարյուրավոր խաղաղ քաղաքացիներ: Նա ընդգծել է, որ Իրանի զինված ուժերը վճռական են պաշտպանելու երկրի ինքնիշխանությունը, տարածքային ամբողջականությունը եւ քաղաքացիների անվտանգությունը:

Արաղչին անդրադարձել է նաեւ քաղաքացիական զոհերին՝ հիշատակելով մասնավորապես, Միւսաբ քաղաքում գտնվող տարրական դպրոցում 168 աղջիկների սպանությունը, ինչպես նաեւ հիվանդանոցների թիրախավորումը: Նա միջազգային հանրությանը կոչ է արել խստորեն դատապարտել ԱՄՆ-Իսրայել ռազմական գործողություններն ու իրանցի խաղաղ բնակիչների սպանությունը:



Տարածաշրջանային հարաբերությունների համատեքստում Արաղչին շեշտել է, որ «Իրանը թշնամություն չունի Պարսից ծոցի տարածաշրջանի երկրների հետ եւ վճռական է շարունակելու բարիդրացիական հարաբերությունները նրանց հետ»:

Նա հավելել է, որ Պարսից ծոցի որոշ երկրներում տեղակայված ամերիկյան

ռազմաբազաների դեմ Իրանի պաշտպանական գործողությունները չպետք է դիտարկվեն որպես հարձակում այդ երկրների վրա, այլ որպես օրինական պատասխան ագրեսիայի աղբյուրին:

Իր հերթին, Վան Ին վերահաստատել է Չինաստանի աջակցությունը Իրանի ինքնիշխանության, անկախության եւ արժանապատվության պաշտպանությանը՝ միաժամանակ դատապարտելով ԱՄՆ-ի եւ Իսրայելի «անօրինական ագրեսիան»:

Կողմերը քննարկել են նաեւ պատերազմի ընթացքում հյուպատոսական համագործակցության հարցերը:

ՆՍԻ ՎԱՐԴԱՆՅԱՆ

ՄՈՑԻՎԱԿԱՆ-ՔԱՂԱՔԱԿԱՆ

ԺԱՄԱՆԱԿԻ ՀԱՐՑ Է

ԱՄՆ նախագահ Դոնալդ Թրամփը հայտարարել է, որ շուտով պարզ կդառնա, թե ով է վերահսկելու Իրանը: Այս մասին նա ասել է NewsNation հեռուստաալիքի հետ հարցազրույցում:

«Դուք շատ շուտով դա կիմանաք», - ասել է Թրամփը՝ պատասխանելով համապատասխան հարցին: ԱՄՆ նախագահի խոսքով՝ Իրանում ցամաքային գործողության անհրաժեշտություն, ամենայն հավանականությամբ, չի լինի:

«Մենք շատ մեծ ծավալի վնաս ենք հասցնում: Մենք նրանց հսկայական վնաս ենք հասցնում», - ընդգծել է Թրամփը: Նա հավելել է, որ չի մտահոգվում ամերիկյան օբյեկտների կամ տարածքի վրա հնարավոր հարձակումներով. «Դա պատերազմի մի մասն է. դա դուր գա մարդկանց, թե ոչ, դա այդպես է»:

Թրամփը, խոսելով Իրանում ռազմական գործողության նպատակներին հասնելու մասին, նշել է, որ դա ժամանակի հարց է: «Ես շատ բան գիտեմ, եւ ես անպայման կիմանամ, թե երբ դրանց կհասնենք: Եւ դա արդեն շատ մոտ է», - ասել է Սպիտակ տան ղեկավարը:

Ավելի վաղ NewsNation-ի լրագրողը հայտնել էր, որ Թրամփին ասել է, որ ԱՄՆ-ն կարծազանքի էր Ռիադում ամերիկյան դեսպանատան վրա իրանական անօդաչու թռչող սարքերի գրոհներին եւ Իրանի դեմ գործողության ընթացքում վեց ամերիկացի զինծառայողների զոհվելուն:

Իսրայելը եւ ԱՄՆ-ն փետրվարի 28-ից հարվածներ են հասցնում Իրանին, որն էլ

պատասխան հարվածներ է հասցնում Իսրայելին ու տարածաշրջանի երկրներում գտնվող ամերիկյան ռազմաբազաներին եւ էներգետիկ օբյեկտներին:

ՋԵՅ ԴԻ ՎԵՆՍԸ ՎԱՏԱՂԵՑՆՈՒՄ Է

ԱՄՆ փոխնախագահ Ջեյ Դի Վենսը կարծում է, որ ԱՄՆ-ի գործողությունն Իրանում տարբերվում է Իրաքում եւ Աֆղանստանում ռազմական գործողություններից եւ տարիներ չի տեղի: Այս մասին նա ասել է Fox News-ի հետ հարցազրույցում:

«Տարբերությունն այն է, որ նախագահը հստակորեն սահմանել է, թե ինչի է ուզում հասնել: Դոնալդ Թրամփը պարզապես ոչ մի դեպքում թույլ չի տա, որ այս երկիրը ներքաշվի բազմամյա հակամարտության մեջ՝ առանց տեսանելի ավարտի եւ հստակ նպատակի», - ասել է

Վենսը: ԱՄՆ փոխնախագահի կարծիքով՝ հստակ նպատակի առկայությունը վկայում է այն մասին, որ ԱՄՆ-ն չի պատրաստվում բախվել այն խնդիրներին, որոնք «մենք ունեցել ենք Իրաքի եւ Աֆղանստանի հետ»:

Վենսի խոսքով՝ նպատակն է երաշխավորել, որ Իրանը միջուկային զենք չստանա: «Նա (Թրամփը) նպատակը սահմանել է հետեւյալ կերպ. Իրանը չի կարող ունենալ միջուկային զենք եւ պետք է ստանձնի երկարաժամկետ պարտավորություն՝ երբեք չփորձել վերականգնել իր միջուկային ներուժը», - հայտարարել է փոխնախագահը:

Վենսը նաեւ ասել է, թե Թրամփը գիտեր, որ Իրանը պատրաստ է միջուկային զենք ստեղծել, եւ որոշել է միջոցներ ձեռնարկել, քանի որ «դա անհրաժեշտ է ազգային անվտանգությունը պաշտպանելու համար»:



● Ըստ ՃՏՊ վիճակագրության՝ անցած 3 օրում գրանցվել է 42 ավտովթար. 59 մարդ ստացել է տարբեր աստիճանի մարմնական վնասվածքներ:

ՍՈՑԻԱԼԱԿԱՆ

ՏԱՐԱԾԱՇՈՐՋԱՆ

ԱՆԽՈՒՍԱՓԵԼԻ Է

Մոսկվայի եւ Վաշինգտոնի միջեւ երկխոսությունը ներկայում շարունակվում է տարբեր մակարդակներում, առանձին հարցերի շուրջ: Ինչպես տեղեկանում ենք «Ինտերֆաքս» գործակալությունից, այս մասին հայտարարել է ՌԴ արտաքին գործերի նախարար Սերգեյ Լավրովը: «Մենք ամերիկացի գործընկերների հետ երկխոսություն ենք վարում տարբեր մակարդակներում, տարբեր ձեւաչափերով, առանձին ճգնաժամերի, մեր հարաբերությունների առանձին ուղղությունների շուրջ: Սակայն ես ամենեւին չեմ կասկածում, որ անխուսափելի է դարձել սկզբունքային, համապարփակ գրույցն այն մասին, թե ինչպես է ԱՄՆ-ն տեսնում աշխարհը, ինչպես է նա տեսնում իրեն այս աշխարհում եւ ինչ դեր է նա հատկացնում բոլոր մնացածներին»,-ասել է նա Մոսկվայում կայացած մամուլի ասուլիսում: Լավրովն ընդգծել է, որ «դա հատկապես միջուկային տերությունների համար է արդիական հասկանալի պատճառներով»: «Նախագահ Պուտինը ժամանակին առաջարկել է անցկացնել միջուկային զենք ունեցող հինգ պետությունների, ՄԱԿ-ի Անվտանգության խորհրդի մշտական անդամների զգալի թվաքանակով, եւ այս նախաձեռնությունը լիովին պահպանում է իր արդիականությունը: Այս գրույցը վաղուց էր հասունացել: Ես կասեի՝ այն վաղուց է գերհասունացել, եւ ես հույս ունեմ, որ Թրամփի վարչակազմում հասկանում են դա եւ պատրաստ կլինեն նման լուրջ խոսակցության»:

ԿՈՉ Է ԱՆՈՒՄ

Չինաստանը հարգում է Իրանի «օրինական իրավունքը՝ միջուկային էներգիան օգտագործել խաղաղ նպատակներով», հայտարարել է Չինաստանի արտաքին գործերի նախարարության խոսակցող միաժամանակ կոչ անելով դադարեցնել ռազմական գործողությունները եւ վերադառնալ բանակցությունների սեղանի շուրջ: Այս մասին հաղորդում է Reuters գործակալությունը: Չինաստանի ԱԳՆ խոսակցող Մաո Նինը մամուլի ասուլիսում նշել է, որ բանակցությունների ընթացքում ԱՄՆ-ի կողմից Իրանին ուղղված հարվածները «խախտում են միջազգային իրավունքը եւ միջազգային հարաբերությունների հիմնական սկզբունքները»: «Իրանի միջուկային հարցը, ի վերջո, պետք է վերադառնա քաղաքական եւ դիվանագիտական կարգավորման հուն», - ասել է խոսակցողը:

Դիվանագետին հարց են ուղղել, թե ինչ հնարավոր ազդեցություն կարող են Չինաստանի նավթի մատակարարումների վրա ունենալ ԱՄՆ-ի ռազմական գործողությունները Վենեսուելայում եւ Իրանում: Նա նշել է, որ Չինաստանը կձեռնարկի անհրաժեշտ միջոցներ՝ ապահովելու իր սեփական էներգետիկ անվտանգությունը:

Իրանին Իսրայելի եւ ԱՄՆ-ի հարվածներից հետո Թեհրանը պատասխան հարվածներ է հասցնում ինչպես Իսրայելին, այնպես էլ տարածաշրջանի երկրներում գտնվող ամերիկյան ռազմակայաններին եւ էներգետիկ օբյեկտներին: Իրանը նաեւ սպառնացել է հարվածել բոլոր նավերին, որոնք անցնում են Զորմուզի նեղուցով: Համաշխարհային նավթի մատակարարումների 20%-ն անցնում է այս նեղուցով:

LOVE IS ՔԱՐՏԵՐ ՅՈՒՆԻԲԱՆԿԻՑ

ՓԱՐԻԶ ՈՒՂԵՎՈՐՈՒԹՅՈՒՆ ԸՆԴՆԵԼՈՒ ՀՆԱՐԱՎՈՐՈՒԹՅՈՒՆ

Յունիբանկը թողարկել է Love Is... բանկային քարտերի նոր արժ փառ եւ ջերմ հիշողություններ արթնացնող դիզայնով:

Նոր քարտերը համատեղում են շահավետ սպասարկման պայմաններն ու լեգենդար Նկարագարդումներից ոգեշնչված ձեւավորումը՝ միաժամանակ հաճախորդներին ընձեռնելով Փարիզ ռոմանտիկ ուղեւորություն շահելու հնարավորություն: Հաճախորդները կարող են չորս դիզայնից ընտրել այն տարբերակը, որն առավել համահունչ է իրենց տրամադրությանը, եւ ունենալ քարտ, որը ամեն օր կհիշեցնի հոգատարության եւ սիրո կարեւորության մասին:

Յունիբանկի Love Is... քարտերը բազմարժույթային են. քարտին կցված են հաշիվներ 33 դրամով, ԱՄՆ դոլարով եւ եվրոյով, ինչը հարմար է հատկապես արտերկրում վճարումների համար: Քարտերի օրական սահմանափակումը կազմում է մինչեւ 2.5 մլն դրամ: Քարտապաններին տրամադրվում է հարմար մոբայլ հավելված, անվճար SMS ծանուցումների հնարավորություն եւ շուրջօրյա աջակցություն: Քարտը ձեւակերպելու համար կարելի է դիմել Յունիբանկի ցանկացած մասնաճյուղ:

«Love Is... քարտը ոչ միայն հարմար միջազգային Visa քարտ է՝ ժամանակակից հնարավորություններով, այլեւ ջերմ



հիշողություններ ու դրական զգացողություններ փոխանցելու միջոց: Վստահ ենք, որ քարտերի այս շարքը կվայելի մեծ պահանջարկ այն հաճախորդների շրջանում, ովքեր գնահատում են ոչ միայն հարմարավետությունն ու տեխնոլոգիական առաջընթացը, այլեւ անկեղծ սիրո մասին պատմությունները»,-նշել է Յունիբանկի Վարչության նախագահի առաջին տեղակալ, Մանրածախ բիզնեսի զարգացման եւ վաճառքների տնօրեն Գուրգեն Ղուկասյանը:

Հայտնի Նկարագարդումները հիմնված են Նորգեյլանդացի Նկարչուհի Քիմ Գրովի եւ Նրա իտալացի ամուսնու՝ Ռո-

բերտո Կազալիի իրական սիրո պատմության վրա: Սկզբում ստեղծված որպես անձնական հաղորդագրություններ՝ դրանք ժամանակի ընթացքում դարձել են զգացմունքների համաշխարհային խորհրդանիշ: Այսօր այդ պատմությունը շարունակվում է Յունիբանկի քարտերի միջոցով:

Սիրո քաղաք՝ Փարիզ երկու անձի համար նախատեսված մեկշաբաթյա ուղեւորության խաղարկությանը մասնակցելու համար անհրաժեշտ է պարզապես ձեւակերպել Յունիբանկի Love Is... քարտը եւ մինչեւ 2026 թվականի դեկտեմբերի 1-ը կատարել առնվազն մեկ գործարք:

ԲԱՆԿԵՐ

ԱՌԱՋԱՐԿՈՒՄ Է Profit+ ԱՇԽԱՏԱՎԱՐՁԱՅԻՆ ՓԱԹԵԹ



Հայկեկոնսմբանկն առաջարկում է Profit+ աշխատավարձային փաթեթ, որը հնարավորություն է տալիս, կախված աշխատավարձի չափից, ստանալ Arca, VISA եւ Mastercard տարբեր դասի վճարային քարտեր՝ առանց տարեկան սպասարկման վճարի:

Profit+ փաթեթն ակտիվացնելու համար անհրաժեշտ է ունենալ VISA Guru կամ VISA Guru Travel քարտ: Քարտերը հնարավոր է պատվիրել նաեւ AEB Mobile հավելվածի միջոցով եւ ստանալ այն անվճար առաքմամբ Երեւանում (33 մարզերում առաքման վճարը՝ 1,000 դրամ):

Փաթեթի շրջանակում կարող եք ստանալ VISA Guru քարտը՝ 1,000 դրամ տարեկան սպասարկման վճարով, իսկ VISA Guru Travel կամ Mastercard World քարտերը՝ 30% զեղչված տարեկան սպասարկման վճարով: 86 86 | aeb.am

Հայկեկոնսմբանկը վերահսկվում է 33 Կենտրոնական բանկի կողմից:

ԼՈՒՅՍ Է ԸՆԾԱՅԵԼ ԵՎՍ 2 ԳԻՐԲ

Newmag հրատարակչությունը «Ֆաստ Բանկ»-ի հովանավորությամբ հայերեն է թարգմանել եւ տպագրել համաշխարհային բեսթսելլերների հեղինակ Ադամ Գրանտի երկու հայտնի գրքերը՝ «Ինքնատիպները» եւ «Թաքնված ներուժը»: «Ինքնատիպները» հեղինակը պատմում է, թե ինչպես դառնալ ստեղծագործ, հակադրվել խմբային մտածողությանը եւ իրականացնել ոչ ստանդարտ գաղափարներ: Նա գիտական հետազոտություններով եւ իրական օրինակներով է ցույց տալիս, որ ստեղծագործությունը հմտություն է, որը կարելի է զարգացնել՝ հաղթահարելով վախը, ժամանակին գործելով: Իսկ «Թաքնված պոտենցիալը» գիրքը խոսում է յուրաքանչյուր մարդու ներսում թաքնված հնարավորությունների մասին: Հեղինակն օգտագործում է կրթության, առաջնորդության եւ մոտիվացիայի իրական օրինակներ՝ ցույց տալու համար, որ հաջողությունը կախված է ոչ թե բնածին տա-

ղանից, այլ կարողությունների մշակումից:

«Ֆասթ Բանկի հետ մեր համագործակցությունը շատ արդյունավետ է, որովհետեւ եւ բանկային միջավայրը, եւ գրական միջավայրն իրար մոտ են մի քանի առումներով. ինքնուրույն մտածող մարդկանց հարաբերություններ են բանկային համակարգում»,-նշել է Newmag հրատարակչության գլխավոր խմբագիր Գնել Նալբանդյանը:

«Ֆասթ Բանկ»-ը կարելի է կրթության եւ ընթերցանության խթանումը հավատալով, որ գիտելիքն ու նորարար մտածողությունը կարելի է նախադրյալներ են անհատի եւ հասարակության առաջընթացի համար: «Ֆասթ Բանկ»-ի աջակցությամբ իրականացված այս ծրագիրն ընդգծում է, թե ինչպես ընթերցանությունն ու գիտելիքը կարող են շարժիչ ուժ դառնալ՝ նոր գաղափարների իրագործման եւ հաջողության հասնելու համար:

Ֆասթ Բանկը թվային բանկ դառնալուն միտված ընկերություն է, որը 24/7 գրաֆիկով ներկայացված է Երեւանում եւ Հայաստանի բոլոր մարզերում:

Ֆասթ Բանկը վերահսկվում է 33 Կենտրոնական բանկի կողմից:



«ժողովուրդ» օրաթերթում եւ ArmLur.am կայքում գովազդ, հայտարարություն, հաշվետվություն, ծանուցում տեղադրելու համար զանգահարել 094-455-456 հեռախոսահամարով:

ԴԱՐԵՐԻ ԽՈՐՔԻՑ

ՆՈՐ ԿՏԱՎ Է ՀԱՅՏՆԱԲԵՐՎԵԼ

Պարզվել է, որ 17-րդ դարի «Ջաբարիայի սեսիլը սաճարում» կսավը ստեղծվել է հոլանդացի վարդեսի կողմից...



Նիդեռլանդների Ռեյքսմուզեի հետազոտողները հայտարարել են հոլանդացի վարպետ Ռեմբրանդտի նոր կտավի հայտնաբերման մասին:

«Ջաբարիայի տեսիլը տաճարում» կտավը Ռեմբրանդտ վան Ռեյնի այլ աշխատանքների հետ ուշադիր համեմատելուց հետո, որոնք բացահայտում են նրա ոճական և թեմատիկ փոփոխությունները...

Նկարում պատկերված է քահանայապետ Ջաբարիայի մասին աստվածաշնչյան պատմությունից մի դրվագ, որը ցույց է տալիս այն պահը, երբ Գաբրիել հրեշտակապետը հայտնվում է Ջաբարիային տաճարում:

մասնավոր հավաքորդի կողմից ձեռք բերվելուց հետո այն անհետացել է հանրության տեսադաշտից: Քանի որ նկարի գտնվելու վայրը անհայտ է մնացել...

Այնուամենայնիվ, ներկայիս սեփականատերը վերջերս կապ է հաստատել Ռեյքսմուզեի հետ՝ թույլ տալով նկարը մանրակրկիտ ուսումնասիրել 65 տարվա ընթացքում առաջին անգամ:

Սա հանգեցրել է երկամյա ուսումնասիրության, որը պարզել է, որ «Ջաբարիայի տեսիլը տաճարում» կտավում օգտագործված բոլոր ներկերը հանդիպում են նույն ժամանակաշրջանի Ռեմբրանդտի այլ աշխատանքներում:

Նկարչական ոճը և ներկի շերտի կառուցվածքը նույնպես համեմատելի են Ռեմբրանդտի այլ վաղ շրջանի աշխատանքների հետ: Մակրո-ռենտգենյան սկանավորումը և տեսողական վերլուծությունը հետազայում բացահայտել են կոմպոզիցիոն փոփոխություններ, որոնք

հաստատում են աշխատանքի իսկությունը:

Ստորագրության ուսումնասիրությունը ցույց տվեց, որ այն բնօրինակ է, իսկ փայտե վահանակի դեմոնտաժային աշխատանքի վերլուծությունը հաստատեց 1633 թվականի ճիշտ ամսաթիվը:

Թեմային առումով նկարը նաև անթերիորեն տեղավորվում է այն ժամանակվա 27-ամյա նկարչի ստեղծագործության մեջ՝ այնպիսի աշխատանքների հետ միասին, ինչպիսիք են «Դանիելը և Կյուրոսը Բահալի կուռքի առջև» (1633, Ջ. Պոլ Գետտի թանգարան, Լոս Անջելես), «Սիմեոնի երգը» (1631, Մաուրիցիես, Հաագա) և «Երեմիան ողբում է Երուսաղեմի կործանումը» (1630, Ռեյքսմուզեում, Ամստերդամ):

Նկարը երկարաժամկետ վարձակալության է տրվել Ռեյքսմուզեում մասնավոր հավաքորդից և հանրության համար բաց կլինի չորեքշաբթի՝ մարտի 4-ից սկսած:

ԳՐԵՏԱ ՍՈՂՈՍՏՅԱՆ

ՄԱՐԶԱԿԱՆ

ԾԱՆՐ ՀԱՐՎԱԾ

Դորտմունդի «Բորուսիայի» մամուլի ծառայությունը տեղեկացնում է, որ թիմի ավագ Էմրե Զանը ծանր վնասվածք է ստացել Մյունխենի «Բավարիայի» դեմ Բունդեսլիգայի հերթական տուրի խաղում (2:3):

Բժշկական հետազոտության արդյունքում պարզվել է, որ գերմանացի կիսապաշտպանը ստացել է ձախ ծնկի առաջային խաչաձեւ կապանի պատռվածք: Ակնկալվում է, որ ֆուտբոլիստի ապաքինումը կպահանջի տեսական ժամանակ, եւ նա երկար ամիսներով դուրս կմնա շաբաթից:

Դորտմունդյան ակումբի մարզական տնօրեն Սեբաստիան Կելն անդրադարձել է թիմի ավագի կորստին. «Էմրեի վնասվածքը ծանր հարված է ոչ միայն իր, այլև ողջ ակումբի համար: Նա մեր ավագն է, ով մշտապես նվիրվում է թիմին և հանդիսանում է մեր կարեւորագույն մասնիկներից մեկը: Առաջիկա ամիսներին Էմրեն կստանա մեր լիակատար աջակցությունը՝ լիարժեք ապաքինվելու համար»:

Նշենք, որ ընթացիկ մրցաշրջանում Զանը դորտմունդցիների կազմում անցկացրել է 16 հանդիպում՝ դառնալով 3 գոլի հեղինակ:

ՀԱՂԹԱՆԱԿԸ ԿԱՄԿԱԾԻ ՏԱԿ

ՄԿԻ-ի նախկին չեմպիոն Մերաբ Դվալիշվիլին անդրադարձել է ԱՄՆ-ում կայացած RAF 6 գրեֆլինգի մրցաշարում հայազգի մարտիկ Արման Ծառուկյանի և ամերիկացի Ջորջիո Պուլասի աղմուկահարույց գոտեմարտին:

Վրացի մարտիկը, ով մրցաշարին ներկա է եղել հանդիսականի կարգավիճակում, միջոցառումից հետո գրուցել է Պուլասի հետ և նշել, որ Ծառուկյանին չի համարում այս դիմակայության արդարացի հաղթող:

«Առաջին հերթին կցանկանայի տեսնել ձեր և Արմանի ձեռքբերումն ու ռեանշը: Դուք ապտակում էիք իրար, դա զվարճալի էր, բայց ես ուզում եմ տեսնել իրական հաղթողին, քանի որ այսօր մենք նրան այդպես էլ չտեսանք: Ես ըմբիշ չեմ, կանոններին ու մրցավարությանը լավ չեմ տիրապետում, բայց հուսով եմ՝ դուք կկազմակերպեք այդ ռեանշը», - ասել է Դվալիշվիլին:

ՄԵՍՄԻՒ ԳՈՒԲԼԸ ՕԳՆԵՑ

ՄԼՍ-ի կանոնավոր առաջնության հերթական խաղում «Ինտեր Մայամին» հյուրընկալվելիս ուժերը չափել է «Օռլանդո Սիթիին» հետ և տպավորիչ քամբեքի շնորհիվ հաղթել 4:2 հաշվով:

Առաջին խաղակեսից հետո դաշտի տերերը հաղթում էին 2:0 հաշվով. գոլերով աչքի էին ընկել Մարկո Պաշալիչն ու Մարտին Օխեդան: Սակայն ընդմիջումից հետո հյուրերը բեկեցին հանդիպման ընթացքը: Արգենտինացի հարձակվող Լիոնել Մեսսին դարձավ դուբլի հեղինակ, եւ մեկական անգամ աչքի ընկան Մատեո Սիլվետին ու Տեյլանտե Սեգուրան՝ ապահովելով մայամցիների հաղթանակը:

Այս խաղից հետո «Ինտեր Մայամին» ընթացիկ մրցաշրջանում գրանցել է 1 հաղթանակ և 1 պարտություն, իսկ «Օռլանդո Սիթին» կրել է երկրորդ անընդմեջ պարտությունը:

ԱՇԽԱՐՀ

ԱՄԵՆԱԲԱՐՉՐ ԿԱՌՈՒՅՑԸ

Բարսելոնան վերջապես նշում է պատմական պահը. շինարարության մեկնարկից 144 տարի անց Աստուրիո Գաուդիի կենտրոնական աշտարակի վերջին տարրը տեղադրվել է Սագրադա Ֆամիլիայի վրա, հաղորդում է Hypebeast-ը: Տպավորիչ՝ 17 մետրանոց պողպատե և ապակե խաչաձեւ կառուցվածքը բարձրացվել է այնպիսի բարձրության, որը պաշտոնապես ավարտում է Հիսուս Քրիստոսին նվիրված աշտարակը: Եկեղեցին այժմ ունի 172.5 մետր բարձրություն՝ գերազանցելով Գերմանիայի Ուլմ Միլստերին՝ դառնալով աշխարհի ամենաբարձր եկեղեցին: Սա նշանավորում է գլխավոր շենքի շինարարության վերջին փուլը, որի ավարտը նախատեսված է 2026 թվականին՝ Գաուդիի մահվան հարյուրամյակին: Այնուամենայնիվ, «Փառքի ճակատի» մանրամասն մշակված մասի վրա աշխատանքները կշարունակվեն եւս տասը տարի, ինչը թույլ կտա եկեղեցու հետագա կատարելագործմանը: Կենտրոնական աշտարակի պաշտոնական բացման արարողությունը տեղի կունենա հունիսի 10-ին:

ԿԱՄԿԱԾՆԵՐ

Ջիմ Բերիի՝ «Սեզար» մրցանակաբաշխությանը մասնակցելու պատասխանատուներից մեկը խոսել է դերասանի՝ ֆրանսիական մրցանակաբաշխությանը անձամբ ներկա գտնվելու կասկածների մասին: 64-ամյա Բերին պատվավոր մրցանակ է ստացել կինոյի և հեռուստատեսության ոլորտում իր ներդրման համար Փարիզում կայացած մրցանակաբաշխության ժամանակ, որը համարժեք է «Օսկար»-ին: Դերասանի՝ հանրության ուշադրության կենտրոնում վերադարձը արարողությունից հետո զգալի քննարկման է արժանացել առցանց հարթակներում, եւ որոշ մարդիկ ենթադրում են, որ դերասանի փոխարեն ներկա է եղել նրա նմանակը: «Սեզար» մրցանակաբաշխությունից առաջ «Թրուման շոու»-ի աստղը վերջին անգամ հանրության առաջ հայտնվել էր 2025 թվականի նոյեմբերին, երբ նա Soundgarden-ին ընդունեց Ռոքնոլի փառքի սրահ:

«Ջիմ Բերիի այցը նախատեսված էր այս ամռանից: Սկզբից ի վեր նա չափազանց հուզված էր Ակադեմիայի հրավերով», - այս մասին ասել է Ֆրանսիայի «Սեզար» մրցանակաբաշխության գլխավոր պատվիրակ Գրեգորի Կոլիեն: «Ութ ամիս շարունակական, կառուցողական քննարկումներ: Նա ամիսներ շարունակ աշխատել է իր ֆրանսերեն ելույթի վրա՝ հարցնելով ինձ որոշակի բառերի ճշգրիտ արտասանության մասին: Նա եկել էր իր գուզընկերուհու, դստեր, թոռան և 12 մտերիմ ընկերների և ընտանիքի անդամների հետ: Նրան ուղեկցում էր նրա վաղեմի հրապարակախոսը: Այնտեղ էր նրա հին ընկեր Միշել Գոնդրին, ով նրա հետ նկարահանել է մեկ ֆիլմ և երկու սերիալ, եւ նրանք ուրախ էին կրկին տեսնել միմյանց»:

Բերիի ֆիզիկական տեսքին անդրադառնալով՝ Կոլիեն ասել է. «Ինձ համար դա խնդիր չէ: Պարզապես հիշեք նրա առատաձեռնությունը, բարությունը, բարեգործությունը, նրբագեղությունը»:

Ինչպես Բերիի ներկայացուցիչը մարտի 2-ին PEOPLE-ին հայտնել է՝ «Ջիմ Բերին մասնակցել է «Սեզար» մրցանակաբաշխությանը, որտեղ նա ստացել է իր պատվավոր «Սեզար» մրցանակը»:

Բերին արարողությանը ներկայացել է իր 38-ամյա դստեր՝ Ջեյնի, Ջեյնի դեռահաս որդու՝ Ջեքսոնի և իր «ուղեկցորդ» Մին Աիի հետ, որոնցից յուրաքանչյուրին նա հիշատակել է միջոցառման ժամանակ իր ելույթում:

● Փետրվարի 4-ին՝ ժամը 13:00-ին, Պատանի հանդիսատեսի թատրոնում տեղի կունենա «ԿԱՏՎԻ ՏՈՒՆԸ» երաժշտական ներկայացումը: Տոմսերի արժեքը՝ 1000, 2000, 3000 դրամ:



Էջը՝ ԳՐԵՏԱ ՍՈՐՈՍՈՆՅԱՆԻ

ՀԱՍԱՐԿՈՒԹՅՈՒՆ

ՀԱՐՑ. Մշակութային արժեքների փորձագիտական գնահատման ի՞նչ կարգ է գործում Հայաստանի Հանրապետությունում:

Հայկ Սողոմոնյան (33 տարեկան)



ՊԱՏԱՍԽԱՆ.

Մշակութային արժեքների և մշակութային նշանակության առարկաների արվեստաբանական ու մշակութաբանական փորձաքննություններն իրականացնում է «Մշակութային արժեքների փորձագիտական կենտրոն» ՊՈԱԿ-ը: Փորձաքննության շահառուներ են հանդիսանում ՀՀ-ի օտարերկրյա քաղաքացիները և իրավաբանական անձինք, այդ թվում՝ ՀՀ պետական մարմինները: Փորձաքննությունն իրականացվում է ներկայացված դիմումի կամ հանձնարարության հիման վրա: Ֆիզիկական անձանց դեպքում գործընթացի սկիզբ է համարվում վերջիններիս կողմից կենտրոնի հայտագրման բաժնի դիմում ներկայացնելը, իսկ իրավաբանական անձանց դեպքում գրության հրամանի, հանձնարարության, որոշման և փորձաքննության ենթակա իրի կամ իրերի և դրանց լուսանկարների տրամադրումը: Փորձաքննության առավելագույն ժամկետ է համարվում 15 օրը՝ բացառությամբ կողմերի համաձայնությամբ որոշակի ժամկետով երկարաձգելու դեպքերի: Կենտրոնը փորձաքննությունն իրականացնում է 28 ոլորտներում:

ՀՀ ԿԳՄՍ Նախարարություն

«ԺՊՂՈՎՈՒՐԳ».

Փորձաքննության արդյունքում հայտատուին տրամադրվում է համապատասխան փորձագիտական եզրակացություն: Փորձաքննության դիմաց հայտատուն կատարում է վճարներ՝ «Մշակութային արժեքների արվեստաբանական և մշակութաբանական փորձաքննության, ինչպես նաև իրականացվող այլ ծառայությունների վճարների գանձման մասին» կարգին համապատասխան:

ԿՐԹՈՒԹՅՈՒՆ

ՀԱՐՑ. Ի՞նչ փաստաթղթեր են անհրաժեշտ սվյալ հաստատություն սովորողի ընդունելության և ռեզիդենտի համար:

Արամ Օհանյան (38 տարեկան)

ՊԱՏԱՍԽԱՆ. ՀՀ ԿԳ նախարարի N 1640-Ն/24.11.2010թ./ հրամանով հաստատված «Դպրոցական տարիքի երեխաներին հանրակրթության մեջ ընդգրկելու, սահմանված ժամկետից ուշ հանրակրթության մեջ ընդգրկվող երեխաների կրթության կազմակերպման և հանրակրթական ուսումնական հաստատությունից սովորողին այլ ուսումնական հաստատություն տեղափոխելու/ազատելու կարգի» 25-րդ կետի համաձայն՝ սովորողին հաստատություն ընդունելու համար ծնողը (կամ օրինական ներկայացուցիչը) ներկայացնում է՝

- 1) դիմում՝ ուղղված տնօրենին,
- 2) սովորողի հանրային ծառայության համարանիշի կամ դրանից օրենքով սահմանված կարգով հրաժարված լինելու մասին տեղեկանքի պատճենը,
- 3) 3x4 չափի լուսանկար՝ «Կրթության կառավարման տեղեկատվական համակարգում» սովորողի էլեկտրոնային անձնական գործում վերբեռնելու նպատակով,
- 4) եզրակացություն՝ «Կյանքի դժվարին իրավիճակում գտնվող երեխաների տեղեկատվական համակարգում» հաշվառված լինելու վերաբերյալ՝ տրված սոցիալական ծառայություններ տրամադրող տարածքային կառավարման պետական մարմնի կողմից (ըստ անհրաժեշտության),
- 5) նախնական (արհեստագործական) կամ միջին-մասնագիտական կրթական ծրագրեր իրականացնող ուսումնական հաստատություններից տեղափոխվելու դեպքում տեղեկանք տվյալ հաստատությունում ուսումնառության ժամկետների, ուսումնասիրած առարկաների, ուսումնական տարվա ընթացքում տեղափոխվելիս՝ նաև ընթացիկ և կիսամյակային գնահատականների, բացակայությունների քանակի մասին,
- 6) եզրակացություն՝ տրված սոցիալական ծառայություններ տրամադրող տարածքային կառավարման պետական մարմնի կողմից՝ հանրակրթական հատուկ դպրոց ընդունվելու համար (ըստ անհրաժեշտության):

ՀՀ ԿԳՄՍ Նախարարություն

«ԺՊՂՈՎՈՒՐԳ».

Նշված կարգի 29-րդ կետի 3-րդ և 4-րդ ենթակետերով սահմանված դեպքերում ներկայացվում է փաստաթուղթ զինվորական կոմիսարիատից:

ԼՈՒՐ ԿԱԴՐ

Լուսանկարը հարայելում բնակվող լրագրող Գեղամ Բալյանի X-ի էջից



Իսրայելի Հայֆա քաղաքում վանդալիզմի է ենթարկվել Հայոց ցեղասպանության հրապարակը նշող փողոցային ցուցանակը:

ԲԱԺՆՈՐԿԱԳՐՈՒԹՅՈՒՆ

Մեր թերթը
Բաժանորդագրվելու
համար կարող եք դիմել



«Հայկոստ» ՊՓԲԸ
հեռ. 51-45-46, 51-45-47

«Բլից-Մեդիա» ՍՊԸ
հեռ. 52-53-01

Առաքումը՝ ԱՆՎՃԱՐ:

Ձեզ հետաքրքրող ցանկացած հարցով կարող եք դիմել «Ժողովուրդ» օրաթերթի խմբագրություն (010 54-64-23 հեռախոսահամարով), և մենք անպայման կանդախտաբանաբար ձեր բարձրացրած բոլոր խնդիրներին:

ԱՌԱՋԱՐԿ
հայկական տպագիր մամուլից

«Ժողովուրդ» օրաթերթին բաժանորդագրվելու համար կարող եք լրացնել հետևյալ բլանկը:
Ամեն օր թերթը կհասնի ձեր նախընտրելի վայր:

Բաժանորդագրության բլանկ

Անուն՝ _____
Ազգանուն՝ _____
Առաքման հասցե՝ _____
Բջջային ես/կամ քաղաքային հեռախոս՝ _____

ԵՂԱՆԱԿԻ ՏԵՍՈՒԹՅՈՒՆ



☀	Շիրակ	- 6 - 9 0 - 3	☀	Արարատ	- 2 + 1 + 4 + 7
☀	Կոտայքի լեռներ	- 6 - 9 0 - 3	☀	Արմավիր	- 1 + 2 + 6 + 9
☀	Կոտայքի նախալեռներ	- 1 - 4 + 1 + 4	☀	Վայոց ձորի լեռներ	- 6 - 9 - 2 + 1
☀	Գեղարքունիք	- 5 - 9 0 - 3	☀	Վայոց ձորի նախալեռներ	- 2 + 2 + 5 + 9
☀	Լոռի	- 3 - 7 + 1 + 4	☀	Սյունիքի լեռներ	- 6 - 9 0 - 3
☀	Տավուշ	- 2 - 5 + 2 + 5	☀	Սյունիքի նախալեռներ	- 4 - 8 + 4 + 7
☀	Արագածոտնի լեռներ	- 6 - 9 0 - 3	☀	Սյունիքի հովիտներ	0 + 4 + 9 + 13
☀	Արագածոտնի նախալեռներ	0 - 4 + 2 + 6	☀	Երեւան	0 - 2 + 5 + 7

Լրատվական գործունեություն իրականացնող՝ «Ժողովուրդ թերթի խմբագրություն» ՍՊԸ
Հասցեն՝ ք. Երեւան, Արշակունյաց 22^ա/3, հեռ՝ 010 54-64-23
Պետական գրանցման վկայականի համարը՝ 03U089086
տրված է 24.11.2010
Ստորագրված է տպագրության 03.03.2026
Տպաքանակ՝ 3968
Կապիտալ Վերականգնողական Կենտրոնի Կառավարություն

Գլխավոր խմբագիր՝
ՔՆԱՐ ՄԱՆՈՒԿՅԱՆ

Տպագրված է «ԳԻՆԴ» տպարան ՍՊԸ հրատարակչությունում
խմբագրություն հանձնված նյութերը չեն գրախոսվում և չեն վերադարձվում, Գ նշանով նյութերը գովազդային հրապարակումներ են, որոնց համար խմբագրությունը պատասխանատվություն չի կրում:

«Ժողովուրդ» օրաթերթում հրապարակված նյութերը արտատպելիս կամ ընթացիկ մեջբերումներ անելիս պետք է պարտադիր գրառել հետևյալ նախադասությունը: «Շարունակությունը կարող էք կարդալ «Ժողովուրդ» օրաթերթի այսօրվա համարում»: